


# Buru Osasuna Fokatu

## III. ARGAZKI LEHIAKETA



Buru Osasunari nahiz buru gaixotasuna duten pertsoneri eta senideei **begiratzeko modu berriak** bilatu nahi ditugu.  
**Anima zaitetz ikuspegi berritzailea fokatzera!**

### Parte-hartzea

- 18 urtetik gorako pertsonak parte hartu ahal izango dute, **euren nazionalitatea edota bizilekutzat duen lurraldea edozein** direlarik ere.
- **Adin txikikoek ere guraso edo tutoreak sinatutako baimenarekin** parte hartu ahal izango dute. Baimen agiria dokumentuaren amaieran dago eskuragarri.

### Gaia

- Irudiak **Buru Osasunaren ingurukoak** izan behar dute.
- Buruko gaixotasunaren inguruko estigmari uko egiten dioten eta **mitoak ezabatzen laguntzen duten argazkiak** bakarrik onartuko dira.
- Lanen **sormena eta originaltasuna** kontuan hartuko dira.

### Lanen aurkezpena

- Pertsona bakoitzak gehienez **5 argazki** aurkeztu ahal izango ditu.
- **Ez da onartuko aurrez saritua** izan den argazkirik.
- **Ez da onartuko** egileak egin ez duen edo **egilearen jabetzakoa ez den** argazkirik.
- Parte-hartzaileak AGIFESen argazki lehiaketara aurkeztutako argazki guztien **egile-eskubideen jabe bakkarra** dela adierazten eta bermatzen du. Gainera, aurkeztutako lanetan hirugarrenen eskubiderik ez dagoela eta hirugarrenen irudi-eskubideekin loturiko erreklamazioez arduratzen dela ziurtatzen du.
- Argazkiak **kamera digitalarekin** eginak izan behar dute eta **ondorengo baldintzak bete behar dituzte**:
  - JPG artxiboa.
  - 300ppp-ko bereizmena.
  - 4 Megabyte (Mb) gehienez.
- Argazkien edizio programekin **aldaketa eta ukituak** egiteko aukera egongo da.
- Argazkiak **info@agifes.org** helbidera bidali behar dira ondorengo datuekin batera: Izena, Abizenak, NAN zenbakia, e-maila eta telefono zenbakia.
- Parte-hartzaileak aurkeztutako lanaren **izenburua** eta **deskribapen laburra** adierazi behar ditu.

## Lanak aurkezteko epea

- Lanak aurkezteko epea **2014ko abuztuaren 22an**, ostirala, amaituko da.

## Lan irabazleen aukeraketa

- Agifesen **sentsibilizazio batzordea arduratuko da lan onenak aukeratzeaz**, aldez aurretik adierazitako irizpideen arabera.
- Aukeratutako argazki horiek, lanak aurkezteko epea amaitu eta egun batzuk geroago, Agifesen Facebookeko orrian argitara emango dira aplikazio baten bitartez. Horrela, **Facebookeko erabiltzaile guztiek izango dute gogokoen duten irudia bozkatzeko aukera**, lan irabazleak aukeratzeko laguntzeko.
- Agifesen **sentsibilizazio batzordeak 10 argazki bozkatuenen artean hiru lan irabazleak hautatuko ditu**. Batzordearen erabakia apelaezina izango da.
- **Pertsona bakoitzak ezin izango du sari bat baino gehiago irabazi**, nahiz eta argazki bat baino gehiago aurkeztu eta horietako batek edo gehiagok boto kopuru gehien lortu.
- Bozketak egiteko epea irailaren 19ean, ostirala, amaituko da.
- Saritutakoen izenak eta lanak [www.agifes.org](http://www.agifes.org) webgunean argitara emango dira. Gainera, irabazleei email edota telefono bidez jakinaraziko zaie irabazi dutela.

## Aurkeztutako lanak argitaratzea

- Saritutako lanak, argazki onenen sorta batekin batera, [www.agifes.org](http://www.agifes.org) web orrian, elkartearen aldizkarian zein Facebook eta Twitterreko profiletan argitaratuko dira.
- Argazkiak, beti ere egilearen izena aipatuz, edozein momentu edo lekutan, mugarik gabe, argitaratzeko edota erreproduzitzeko eskubideak gordetzen ditu Agifesek.
- **Agifesek ez ditu lehiaketako argazkiak helburu komertzialekin erabiliko**, ezta horiek egileen baimenik gabe hirugarrenei banatuko ere.

## Onespena

- Parte hartzearekin batera aurrez adierazitako oinarriak onartzen ditu partaideak.

## Sariak

- Sariak ondorengoak izango dira:
  - **1. saria:** 400 euro eta diploma
  - **2. saria:** 200 euro eta diploma
  - **3. saria:** 100 euro eta diploma

## DATU PERTSONALEN BABESA

Izaera pertsonaleko datuen babeserako abenduaren 13ko 15/1999 Legearen 5. artikuluan adierazitakoa betez, jakinarazten dizugu parte-hartzaileen datu pertsonalak AGIFESen jabetzako fitxategi batean gordeko direla, 'Buru Osasuna Fokatu' lehiaketako partaideen datuak kudeatzeko helburuarekin. Partaideei espresuki ziurtatzen diegu euren datuak ez zaizkiela, inola ere, hirugarrenei emango, eta datu horiek inori laga aurretik jabeen oniritzia eskatuko genukeela aldez aurretik. Zure datuak ikusteko, zuzentzeko, edota baliogabetzeko aukera duzu Legearen arabera, eta horretarako gurekin jar zaitezke harremanetan [info@agifes.org](mailto:info@agifes.org) emailera edo 'Morlans Pasealekua 3, behea. 20009 Donostia' helbidera idatziz (nortasun agiri ofizialaren kopia bat bidali behar duzu idatziarekin batera).

## GURASOEN EDO TUTOREAREN BAIMENA

\_\_\_\_\_ jauna/andreak, \_\_\_\_\_ NAN zenbakidunak,  
\_\_\_\_\_-ren ama, aita edo tutorea dela baieztatzen du eta  
\_\_\_\_\_-ri baimena ematen dio 'Buruko Osasuna Fokatu' argazki  
lehiaketan parte hartzeko, lehiaketa honetarako zehaztutako oinarriak onartuz.

"Izaera pertsonaleko datuen babeserako abenduaren 13ko 15/1999 Legearen 5. artikuluan adierazitakoa betez, jakinarazten dizugu zure datu pertsonalak AGIFESen jabetzako fitxategi batean gordeko direla, 'Buruko Osasuna Fokatu' lehiaketako partaideen datuak kudeatzeko helburuarekin. Partaideei espresuki ziurtatzen diegu euren datuak ez zaizkiela, inola ere, hirugarrenei emango, eta datu horiek inori laga aurretik jabeen oniritzia eskatuko genukeela aldez aurretik. Zure datuak ikusteko, zuzentzeko, edota baliogabetzeko aukera duzu Legearen arabera, eta horretarako gurekin jar zaitezke harremanetan [info@agifes.org](mailto:info@agifes.org) e-mailera edo 'Morlans Pasealekua 3, behea. 20009 Donostia' helbidera idatziz (nortasun agiri ofizialaren kopia bat bidali behar duzu idatziarekin batera)".

Data:

Sinadura: